

欽定天文正義

欽定天文正義卷三十二

虛宿占

## 虛宿占

史記天官書北宮元武虛危虛為哭泣之事正義虛二星危三星為元枵於辰在子齊之分野亦天之冢宰主平理天下覆藏萬物占動則有死喪哭泣之應索隱姚氏案荊州占以為其宿二星南星主哭泣虛中六星不欲明明則有大喪也宋史天文志虛宿二星為虛堂冢宰之官也主死喪哭泣又主北方邑居廟堂祭祀祝禱事明則天下安不明為旱歉斜上下不正享祀不恭動將有喪

觀象玩占虛二星曰元枵一曰顓頊一曰北陸一曰天節一曰臨宮一曰鄉中一曰申宮水星也主死喪哭泣墳墓祭祀

又主黃鐘律管其下九尺為日月五星中道又主風雲將有死喪哭泣葬祭之事則占於虛郝萌曰虛星動則有更田制者

天文會通虛二星貴明潤而光澤喜齊明不喜小有差若星明潤主天子祭祀之禮得其宜星暗而不明其野有喪葬哭泣之事大人惡之星大小不齊而失常色者其國有喪

### 太白犯虛宿

史記正義金守虛宿臣下兵起

宋史天文志太白犯虛宿下多孤寡兵喪出則政急守之臣叛君入則大臣下獄

觀象玩占太白守虛國政急兵起甘氏曰是謂母覆其子有  
封拜賞賜者巫咸曰民疾疫天下亂萬物不成一曰有兵兵  
罷一曰天子將兵農人荷戟海中占東北胡為寇吳楚兵起  
石氏曰太白守虛去之一尺粟貴太白犯虛兵起從齊始或  
曰有喪金入虛海中占有赦郝萌曰多土功民流亡太白出  
入留舍虛其國君有疾大人有陰謀太白在虛出芒角如劍  
空國起兵

天文會通金星經天抵虛其國有急兵亦曰無兵兵起又曰  
為貴臣以兵叛主為裨將以兵叛大將金星觸虛其下有兵  
起若經天觸虛軍覆將死金星逆行會虛下星其國有女喪

亦曰宗廟失祭祀

按虛宿二星第一星在黃道北八度半強惟金星及犯之月與木火土水四星不及犯第二星在黃道北二十度強月五星皆不及犯觀象玩占謂其下九尺為日月五星中道蓋指第一星而言也

### 彗孛客星見虛宿

宋史天文志彗星犯虛宿國凶有叛臣出為野戰流血出入有兵起芒砀所指國必亡星孛虛宿有哭泣事出則為野戰流血國有叛臣客星犯虛宿糴貴守之兵起近期一年遠則二年有哭泣事出為兵喪

觀象玩占彗孛出虛天下亂兵大起國易政陳卓曰天子自將兵有大戰彗孛犯虛天下哭泣一曰多大雨無立垣彗孛出虛危之間有叛臣起於其國兵大起客星出虛大臣為亂兵大起國有喪天下多哭泣期三年一曰天子使人於諸侯客星入虛黃帝占曰兵在外大饑將死兵散郝萌曰米大貴荊州占曰國亂政急天下饑大人憂石氏曰客星入虛色赤有遊客入國色青黑有哭泣一曰色赤有赦粟貴色白有客以白幣至客星犯虛有改田制天文錄曰有赦陳卓曰天下有謀若環繞勾己之國亂兵起客星守虛兵起有亂臣一曰國君憂之甘氏曰有戮臣石氏曰夏三月視虛有二客星

將死三星相死四星軍敗五星國亡

天文會通彗星干犯虛有哭泣事彗薄虛其國相拘執之亦曰有被戮冢宰彗星留守虛妖異不常 孛星犯虛其國憂又曰兵喪並起孛星出入虛有兵起孛星薄虛其國有大亂大臣專恣以事坐孛星襲虛其國祭享失禮 客星犯守虛其國有喪

### 流星出入虛宿

宋史天文志流星犯虛宿光潤出入則冢宰受賞有赦令色黑大臣死入而青色有哭泣事黃白有受賜者出則貴人求



觀象玩占流星入虛海中占兵聚其下一曰君使出外出虛色黃而光澤有德令相有喜

天文會通流星出虛有大臣出使四方者流星抵虛其國失賢一曰大臣失職

### 雲氣出入虛宿

宋史天文志雲氣入虛宿黃為喜蒼為哭赤火黑水白有幣客來

觀象玩占黃雲氣入虛天子以喜起廟祠祀黃白氣入虛享氣也天子敬祀宗廟赤雲氣入虛有兵在廟中出虛有兵在廟外黑氣入之有水災一曰廟圯雲氣如立虹出虛天下大

虛多火災

天文會通青氣入虛有哭泣事

司命

史記天官書危東六星兩兩相比曰司空正義比近也危東兩兩相比者是司命等星也司空唯一星耳又不在危東恐命誤為空也司命二星在虛北主喪逆

宋史天文志司命二星在虛北主舉過行罰滅不祥又主死亡逢星出司命王者憂疾一曰宜防祲惑

觀象玩占司命二星主百鬼主生死

天文會通司命二星主刺舉奸邪以罰過失以殄不祥星明

潤主刑中暗則濫刑

管窺輯要司命二星主掌生算死喪事言舉人之過行天之  
罰消滅不祥生算算在生之壽命占曰司命如常則天下人  
壽天子壽失常天下夭折

按司命二星其南一星亦在黃道北十三度強月五星皆  
不及犯

彗孛客星見司命

觀象玩占彗孛出司命妖惑起王者憂之

管窺輯要彗孛守天子命討有罪

司祿

史記正義司祿二星在司命北主官

宋史天文志司祿二星在司命北主增年延德又主掌功賞

食料官爵

管窺輯要司祿居常則朝廷爵祿平天下諸侯王奉法百官有司奉職

按司祿二星皆在黃道北十五度強月五星皆不及也

彗孛客星見司祿

管窺輯要彗孛犯守司祿則公侯宰相有叛逆者

雲氣出入司祿

管窺輯要黃雲氣入之則公侯宰相有封爵受賜之喜

司危

史記正義司危二星在司祿北主危亡

宋史天文志司危二星主矯失正下又主樓閣臺榭死喪流  
亡

觀象玩占司危二星主察驕逸

按司危二星皆在黃道北二十一度半月五星皆不及犯

彗孛客星見司危

天文會通彗孛干犯司危其國君失德星孛司危其國有死  
君又曰有自立王侯彗孛客星犯守其分危亡

流星出入司危

天文會通流星抵觸司危其國有荒政

雲氣出入司危

天文會通黑雲氣如戟狀掩司危其國有隳政白雲氣劍戟狀掩司危人君親戎服青雲氣入之國有廢事赤雲氣入之國異政黃雲氣入之人君有喜慶事

司非

史記正義司非二星在危北主憊過命祿危非皆冥司之職占大為君憂常則吉也

宋史天文志司非二星在司危北主司候內外察愆尤主過失乾象新書命祿危非八星主天子已下壽命爵祿安危是

非之事明大為災居常為吉

觀象玩占司非二星制天下死生之命福善禍淫皆其所司  
天文會通司非二星主枉法不公之事暗則曲法光浮而數  
動搖則天下有冤獄罪及忠良

按司非二星其南一星亦在黃道北二十五度弱月五星  
皆不及犯

彗孛客星見司非

天文會通彗孛客星干犯司非是非混雜賢否不分

流星出入司非

天文會通流星抵觸司非刑罰不中

雲氣出入司非

天文會通黑雲氣犯司非其國有曲法黃雲氣出之法官受賜又曰御史受賞白雲氣掩司非刑罰加大將

哭星 泣星

宋史天文志哭二星在虛南主哭泣死喪 泣二星在哭星東與哭星同占

觀象玩占哭二星主號哭泣二星在哭東危南主怨泣其星皆不欲明明則天下多死喪國多哭泣事

天文會通哭二星明大出怒角則多貴人喪泣二星微暗則吉明大則有死亡若星不見則國有喜



月五星犯哭泣

晉書天文志太白犯哭星占曰有大哭泣事 歲星犯哭泣

星占曰有哭泣事 熒惑犯哭泣星占曰有哭泣事

宋史天文志月五星犯之為喪

觀象玩占月五星犯哭泣皆為有死喪哭泣事

天文會通木星犯哭泣憂兵喪 火星犯泣星在陰有女喪

在陽有男喪 金星經天或逆行犯之主兵喪

按哭二星皆在黃道南半度月五星皆及犯之泣二星第一星在黃道北二度半月五星皆及犯之第二星在黃道北二度半強月與火土金水四星及犯之木星不及犯

彗孛客星見哭泣

宋史天文志彗孛犯之為喪

觀象玩占客星守哭泣人主有哭泣事

天文會通彗星掃泣星人君憂兵喪一曰其下有亡國孛

星出哭星其野有大戰有屠城星孛於泣星其野有屠城

客星犯之其國有大哭泣事客星出之有外喪守之有外寇

暴起

流星出入哭泣

觀象玩占流星出哭泣有使者以死喪事出入之有以死喪

事來者

天文會通流星抵觸之兵戰其下一曰有伏尸流血

雲氣出入哭泣

天文會通蒼白雲氣入哭泣星有大喪出之禍除黑氣入有  
女喪赤氣入主兵青氣入君有憂白氣出泣星戰不利為客  
為主者勝

天壘城

宋史天文志天壘城十三星在泣南園如大錢形若貫索主  
鬼方北邊丁零類所以候興敗存亡

天文會通天壘城十三星主夷狄之國星暗則吉明則中國  
有邊警

月五星犯天壘城

宋史天文志熒惑入守夷人犯塞

觀象玩占金火入守天壘夷人犯塞

天文會通五星入犯夷人入寇中國兵動

按天壘城十三星第一星在黃道北六度第十二星在黃道北六度弱月與金星及犯之第二星在黃道北四度強第三星第九星在黃道北四度弱月與火金水三星及犯之餘不及犯第四星第五星在黃道北二度弱第六星在黃道北二度強第七星在黃道北一度弱月五星皆及犯之第八星在黃道北三度半弱月與火土金水四星及犯

之第十星在黃道北五度弱第十三星在黃道北五度強  
月與火金二星及犯之第十一星在黃道北六度半弱惟  
金星及犯之餘不及犯

### 彗孛客星見天壘城

宋史天文志客星入北方侵

觀象玩占彗孛出天壘校尉以軍反 客星入天壘北胡操  
騎馬進中國若守之北狄侵邊

天文會通彗星掃天壘城外夷強盛入寇邊陲 星孛天壘  
城其下有死君一曰有易主 客星入天壘城邊城有釁又  
曰中國起兵伐外客星出天壘城不有破軍必有死將

流星出入天壘城

天文會通流星抵觸天壘城外國有奸使入中國一曰邊將出境

雲氣出入天壘城

宋史天文志赤雲氣掩之北方驚滅有疾疫

天文會通黑雲氣入天壘城中外交侵中國邊擾黃雲氣入之夷狄順命白雲氣入之有急兵

離瑜

宋史天文志離瑜三星在十二國東乾象新書在天壘城南離圭衣也瑜玉飾皆婦人見舅姑衣服也微則後宮儉約明

則婦人奢縱

觀象玩占離瑜三星主婦人服飾占與宋志同

按離瑜三星其最北一星亦在黃道南十五度強月五星皆不及犯

彗孛客星見離瑜

宋史天文志客星彗星入之後宮無禁

流星出入離瑜

天文會通流星衝抵離瑜財寶損失

雲氣出入離瑜

天文會通黃雲氣犯離瑜後宮有喜赤雲氣入之有火災一

曰後宮災

敗曰

宋史天文志敗曰四星在虛危南兩兩相對主敗亡災害石  
申曰一星不具民賣甌釜不見民去其鄉

觀象玩占敗曰四星在北落師門之南主凶災其星溫溫然  
微而不明則天子吉人民安明大動搖則人主有憂疾天下  
多災凶人愁苦多死喪

天文會通敗曰四星主北夷又主敗亡災害主伺災凶星暗  
則北夷順命星明大則北夷犯塞

按敗曰四星其最北一星亦在黃道南十九度半月五星



皆不及犯

彗孛客星見敗曰

宋史天文志客星彗星犯之民饑流亡

觀象玩占彗孛出敗曰天下有急兵年饑 客星守犯敗曰

天下兵起軍糧急石氏曰兵以飢起

天文會通彗星如帚掃敗曰外夷寇中土 星孛敗曰蒼白

色者其下有死君有屠城 客星犯敗曰外夷有兵謀一曰

邊陲有暴兵起

流星出入敗曰

觀象玩占流星入敗曰天下有急發米粟事

天文會通流星抵觸敗曰其國有奸使入境  
雲氣出入敗曰

宋史天文志黑氣入主憂

觀象玩占黑氣入敗曰天下人災

欽定天文正義卷三十三

危宿占

危宿占

史記天官書北宮元武虛危危爲蓋屋正義危爲宗廟祀事主天府天市架屋占動則有土功索隱宋均云危上一星高旁兩星隋下似乎蓋屋也

宋史天文志危宿三星在天津東南爲天子宗廟祭祀又爲天子土功又主天府天市架屋受藏之事不明客有誅土功興動或暗營宮室有兵事

觀象玩占危三星曰天府一曰天市土星也主墳墓宮室祭祀主架屋天子之廟堂也又爲百姓市其南下九尺爲日月五星中道虛危者虛危者天子之禮堂亦爲冢宰之

官主天下死喪哭泣之事。星明則天下安，暗而動則天子作宮室，興工役，失色則客有誅者，動搖則天下大動。

天文會通：危宿三星明潤而光澤，則天子德至於天，祭祀時宗廟固天下和平；暗及變色，則其國有土功更造事，百姓勞怨天下苦之。

按危宿三星，其最南一星亦在黃道北十一度，弱月五星皆不及犯，觀象玩占謂南下九尺為日月五星中道，較今測差少二度。

### 彗孛客星見危宿

宋史天文志：彗星犯危宿，下有叛臣兵起，出則將軍出國。

易政大水民饑 孛星犯國有叛者兵起 客星犯危宿  
有哭泣一曰多雨水穀不收入之有土功或三日有赦出  
則多雨水五穀不登守之國敗民饑

觀象玩占彗星出危土功興天下亂有叛臣兵起大水人  
饑流亡彗孛犯危其國有叛臣兵大起有哭泣 客星出  
危甘氏曰大臣誅刑官憂多水災工役興赤星出危中以  
火廢國客星守危穀大貴甘氏曰王者遷都其地更立侯  
王又曰大風有所危敗又曰人流國危

天文會通彗星指危中其國多更造百姓苦役爲亂 孛  
星守危上星其國有急兵一曰天子憂兵孛星抵危後宮

有憂亦曰宮中有哭泣事 客星守危諸侯有憂又曰王  
侯有憂客星變色有芒角抵危其下有覆軍死將亦曰兩  
軍相當不利先舉者

### 流星出入危宿

宋史天文志流星犯危宿春夏為水災秋冬為口舌入則  
下謀上抵危北地交兵乙巳占流星出入色黃潤人民安  
穀熟土功興色黑為水大臣災

觀象玩占流星入危武容占曰君子憂小人流一曰小人  
居居居子之位一曰流星入危左右皆為有兵一曰流星入  
危色青黑水災白有四足蟲為害黃有土功赤為兵流星

抵危色青赤為兵白喪黑有分國流星交對抵危中國與  
北狄交兵天下騷動流星有發屋事色赤火發色黑水發  
色青以憂發色白以兵發色黃以好發

天文會通流星抵觸危其下暴兵起一曰外奸入境又曰  
奸使來所之野各以其色占之

### 雲氣出入危宿

宋史天文志雲氣入危蒼白為土功青為國憂黑為水為  
赤為火白為憂為兵黃出入為善

觀象玩占蒼白雲氣入危大造宮室青氣入之國憂有損  
屋赤氣入之有土功蓋屋之事大作一曰宮中有兵憂赤



氣出危以火發屋黑氣出危北鄉多水人流亡東鄉其國  
君死百菓不實西鄉人主憂死喪南鄉有疾疫黑氣入危  
自北來大水西來君憂東來稻粟不實南來有兵白氣出  
入危其國有兵黃雲氣出入危皆為土功興一曰黃氣出  
危國有喜青黑氣出入危皆有水災

### 虛梁

宋史天文志虛梁四星在危宿南主園陵寢廟禱祀非人  
所處故曰虛梁一曰宮宅屋幃帳寢

觀象玩占虛梁四星主鬼神之祠

天文會通虛四星不欲明大而喜微明星細明而黃潤不

夫其常國祚安人主壽若光浮而動搖其國兵喪大人惡之

### 月五星犯虛梁

宋史天文志太白熒惑犯之為兵

天文會通月犯虛梁其下有女喪一曰興土功

火星犯之寢廟有火災金星犯之其國有內亂

### 月五星干犯虛梁兵火起

按虛梁四星第一星第二星在黃道北五度弱月與金火二星及犯之第三星在黃道北四度強月與火金水三星及犯之餘不及犯第四星在黃道北二度弱月五

星皆及犯之

彗孛客星見虛梁

宋史天文志彗孛犯兵起

天文會通彗孛客星犯守虛梁兵革興

流星出入虛梁

天文會通流星抵觸虛梁其國有外喪一曰暴死貴人流  
星犯抵虛梁山陵不安

雲氣出入虛梁

天文會通黑雲氣入虛梁其野有內亂白雲氣入之有兵  
喪

天錢

宋史天文志天錢十星在北落師門西北主錢帛所聚為軍府藏明則庫盈暗為虛

按天錢古謂十星今只五星其最北一星亦在黃道南十六度強曰五星皆不及犯

彗孛客星見天錢

宋史天文志彗孛犯之庫藏有賊

觀象玩占彗孛犯天錢盜賊焚府庫

天文會通彗星掃天錢國用耗之星孛天錢中其國失

利源客星犯天錢國蠹損民財又曰財帛耗散

流星出入天錢

天文會通流星犯天錢賊劫庫藏

雲氣出入天錢

天文會通黑雲氣入天錢中蒼星不見國貧民窘白雲氣入之其野有兵爭黃雲氣出入天錢國用富府庫充青赤雲氣出入之其國府庫多火災

墳墓

宋史天文志墳墓四星在危南主山陵悲慘死喪哭泣大曰墳小曰墓

觀象玩占墳墓四星縱危星下如墓形主山陵喪葬之事

星不欲其明明則多死人

天文會通墳墓四星主死喪之事星明太則有喪事微明則吉

### 金星犯墳墓

宋史天文志金星守犯為人主哭泣之事

墳墓四星<sup>按星</sup>第一星在黃道北九度弱第二星三星在黃道

北八度強惟金星及之月與木火土水四星不及犯第

四星在黃道北十度月五星皆不及犯

### 彗孛客星見墳墓

觀象玩占彗犯之山陵有變

天文會通彗孛客星犯守墳墓主死喪星孛墳墓其國有  
死王

### 流星出入墳墓

天文會通流星出墳墓其兵喪國有兵喪

### 雲氣出入墳墓

天文會通黑雲氣入墳墓其國有喪出之有兵起黃雲氣  
入之外國有喪天子遣弔使

### 杵星

史記天官書杵曰四星在危南正義杵曰三星在丈人星  
旁主軍糧占正下直曰吉與曰不相當軍糧絕也

宋史天文志杵三星在人星東一云在白星北主春軍糧不具則民賣餽糒

觀象玩占杵三星在人星東主春糧不明則歲凶天文會通杵三星明潤則三軍足食暗則軍儲不繼

按杵三星其最南一星亦在黃道北三十八度弱月五星皆不反犯

### 彗孛客星見杵星

觀象玩占彗孛出杵曰有急出粟天下大饑客星守杵曰歲饑民急於財黃帝占曰天下會聚粟米一曰民失杵曰客星犯之歲歉有兵入之有急兵起



天文會通彗星掃杵星國有急兵一曰有死將

星杵星其野大凶民爭食而亂客星干犯杵星外寇掠糧又曰盜賊爭食

### 流星出入杵星

天文會通流星出杵星其野有急兵又曰國出師千里饋糧

### 雲氣出入杵星

天文會通黑雲氣犯杵星其國大水民饑亦曰軍乏糧白雲氣出入之其野有急兵青赤氣入之其國有兵喪黃雲黃雲氣為喜軍勝

白星

史記正義曰星在南主春其占覆則歲大饑仰則大熟也  
宋史天文志曰四星在杵星下一云在危東杵白不明則  
民饑星衆則歲樂疏為饑動搖亦為饑

觀象玩占曰四星在杵南占與杵同

天文會通曰四星主歲之豐凶主春事明潤則歲豐暗微  
則穀不熟

按白四星其最南一星亦在黃道北三十四度強月五星  
皆不及犯

彗孛客星見白星

宋史天文志彗星犯之民饑兵起

天文會通星孛曰星中名孛空 客星犯曰中有急兵掠  
民食

流星出入曰星

天文會通流星入曰中有貨粟事至隆隆有聲所之國起  
兵爭食

雲氣出入曰星

天文會通黑雲氣出曰中盜賊掠民食入曰中其國兵起  
白雲氣如兵器覆曰上其國有急兵或喪  
黃雲氣出入曰星為歲豐

蓋屋

宋史天文志蓋屋二星在危宿南九度主治宮室  
觀象玩占蓋屋二星在危南天子治宮室之官也其星明  
大動搖則工役大作

金星犯蓋屋

宋史天文志金星犯之兵起

觀象玩占金星犯之中蓋屋兵起工役興兵大起

按蓋屋二星第一星在黃道北九度強惟金星及犯之  
第二星在黃道北十度強月五星皆不及犯

彗孛客星見屋蓋屋

宋史天文志彗孛犯守兵災尤甚

天文彗通彗孛客星守蓋屋兵革起宮室壞 客星干犯

蓋屋其野以土木勞民上下胥怒

流星出入蓋屋

天文會通流星出入蓋屋火燒屋宇

雲氣出入蓋屋

天文會通黑雲氣入蓋土<sub>蓋</sub>投民失業黃雲氣入之主君德

造父

宋史天文志造父五星在傳舍南一曰在螣蛇北御官也  
一曰司馬或曰伯樂主御營馬廐馬乘轡勒移處兵起馬

貴星亡馬大貴

觀象玩占造父五星在傳舍南河中御馬之官也

一曰西橋明則吉

天文會通造父五星主御車馬奉御之職

按造父五星其最南一星亦在黃道北五十九度半日

五星皆不及犯

彗孛客星見造父

宋史天文志彗客入之僕御謀主有斬死者一曰兵起守  
之兵動廐馬出

觀象玩占彗孛犯入造父御馬官誅 客星入造父財官

騎士出入之兵起地動赤星入車馬貴

天文會通彗孛客星犯守造父兵車用廐馬出騎官憂災

流星出入造父

天文會通流星抵觸造父奉御不安職

雲氣出入造父

天文會通黑雲氣入造父為內兵若出之則為外兵白氣  
出入之天下不安黃氣入之奉御受賞

人星

宋史天文志人五星在虛北車府東如人形一曰主萬民  
柔遠能通又曰卧星主夜行以防淫人星亡則有詐作詔

者又為婦人之亂星不具王子有憂

觀象玩占人五星一曰卧星土官也

按人星古謂五星今只四星其最南一星亦在黃道北  
二十九度月五星皆不及犯

### 彗孛客星見人星

宋史天文志客彗孛犯人多疾疫

觀象玩占彗孛犯守人星天下兵疫饑荒人大災彗星出

之尚書反客星入人星天下有詐詔符傳相驚事

天文會通彗孛干犯人星其國有妖言下民為亂

客星干犯人星外國人至亦曰人習外教以惑衆



流星出入人星

天文會通流星犯人星其下民失業

雲氣出入人星

天文會通黑雲氣入人星耕夫為盜白雲氣如人狀其國有民為亂黃雲氣如蓋覆人星民在其國有暴貴者

車府

宋史天文志車府七星在天津東近河東西列主車府之官又主賓客之館星光明潤澤必有外賓車駕華潔

觀象玩占車府七星在天津東近河首抵司非尾指天鉤主宮車之府賓客之館也其星動搖則兵車大動

天文會通車府七星主兵車之官星明則車府有備星暗則革車不修

按車府七星其最南一星亦在黃道北四十五度半月五星皆不及犯

彗孛客星見車府

宋史天文志彗客犯之兵車出

觀象玩占彗孛犯車府天下兵車悉出

天文會通彗孛客星犯車<sub>府</sub>兵革興車馬亡星孛車府主

車馬器械不備其國憂兵<sub>火</sub>災客星干犯車府主軍營有

暴客懷奸謀

流星出入車府

天文會通流星抵觸車府外寇內侵利客不利主

雲氣出入車府

天文會通黑雲氣入車府兵出不以律蒼氣入之車府不  
修青赤氣入之其國兵車滿野

鉤星

宋史天文志鉤九星在造父西河中如鉤狀星直則地動  
他星守占同一曰主輦輿服飾明則服飾正

觀象玩占鉤九星一曰天鉤在紫微宮東藩之外傳舍之  
東造父之北主儒服法式星明則法服正不明則儀服失度

天文會通天鉤九星主掌輿服之官百工之職也

按鉤九星其最南一星亦在黃道北六十一度半弱月

五星皆不及犯

彗孛客星見鉤星

天文會通彗星犯鉤星地震 星孛鉤星年穀不登衣服  
之僭 客星犯鉤星色赤黃其國有衣服之僭又鉤衣服  
僭上則客星犯鉤星

流星出入鉤星

天文會通流星出犯鉤星異國有進御衣者又曰流星干  
犯鉤星衣服不正

雲氣出入鉤星

天文會通黃雲氣犯鉤星郵傳無虞黑氣入之兵起車駕  
滿道路青白赤氣犯之俱主兵起

欽定天文正義卷三十四

室宿占

室宿占

史記天官書營室為清廟曰離宮閣道索隱爾雅云營室  
謂之定郭璞云定正也天下作宮室皆以營室中為正也  
宋史天文志營室二星天子之宮也一曰元宮一曰清廟  
又危軍糧之府主土功事一曰室一星為天子宮一星為  
太廟為王者三軍之廩故置羽林以衛又為離宮閣道故  
有離宮六星在其側一曰定室定之方中也詩星明國昌不  
不明而小祠祀鬼神不享動則有土木事不具憂子孫無  
恙不動天下安

觀象玩占室二星曰營室一曰定星一曰元宮一曰清廟

一曰元冥一曰天官一曰天庫一曰休官木星也其下九尺為日月五星中道

天文會通室二星明則天子造宮室得其時制暗則國多土功動搖則有兵出星䟽圻則軍儲不備就彘國多興造百姓苦土功

按室宿二星其南一星亦在黃道北十九度半弱月五星皆不及犯觀象玩占謂其下九尺為日月五星中道較今測差少十度

### 彗孛客星見室宿

宋史天文志彗星出營室兵先起者敗或犯之則弱不能



戰出入犯之則先起兵者勝。一曰出室為大水。客星犯  
營室或出入先起兵者勝。出有水災。後宮亂。武密曰。客出  
其分有兵喪。道藏所載室專主兵。客星犯入營室。天子  
有兵事。軍饑將離。外兵來出於室。兵先起者敗。

觀象玩占。彗見室中。後宮有亂。一曰有赦。彗孛出室。國  
亂有大水。大喪有兵。先起者敗。一曰人疫。客星出室。國  
有土功。人饑。大臣作亂。兵起。士卒亡。其星色赤黃。貴人多  
死。將軍用事。郝萌曰。客星出元宮。城廓有壞者。赤星出元  
宮。廟中兵起。白星出室中。人有受賜者。客星入室。諸侯有  
使來。以五色占之一曰國亂盜賊起。巫咸曰。人流亡。一曰

多陰雨北宮侯曰版築事興客星入室宗廟有事天子憂  
客星舍室其國作宮廟多土功留之不去北宮兵入客星  
守室甘氏曰有軍則客軍降主人得地

天文會通彗星守室兵動不戰牛馬驚彗星貫室宿中其  
國車騎滿野彗星起而在室指墳墓不出五年有喪 孛  
星出室有兵喪人多疾疫其國有哭泣事一曰陵廟興土  
功孛星干犯室其野有內亂室中有暴兵 孛星抵犯室其  
國君有憂亦曰後宮有憂若色青白有愁芒者國有大變  
客星入室中有刺客入國境客星出室中曰破室其野有  
大變

流星出入室宿

宋史天文志流星犯營室軍之糧在春夏將軍貶秋冬水  
溢乙巳占曰流星出入色黃潤軍糧豐五穀成國安民樂  
觀象玩占流星入室有外使以所使起占其所從來以五  
色占其事流星出室天子使出以五色言其事以星所之  
言其所往之國流星犯室有土功工事大奔星抵室其國  
貴人死流星以冬至前後三日內出室國有急事

天文會通流星犯入室有使自外邦來者色黃言土工白  
言義青言憂黑言凶赤言兵

雲氣出入石宿

宋史天文志雲氣入營室黃為土功蒼白大人惡之赤色為兵民疫黑則大人憂

觀象玩占黃白雲氣潤澤入室諸侯有使來若出室天子有使出皆言宗廟之事赤雲氣如大道來室上下人主不可出宮有逆臣有疾病不出三年其土大饑有軍在外則有大戰流血青色入室其國憂離氣入室人多暴死有氣明潤光澤如日月之形出入室中男子之祥黃氣光明潤澤出入室國有喜

## 雷電

宋史天文志雷電六星在室南明動則雷電作

觀象玩占雷電六星主興兵雷動蟄其星明大動搖則歲多雷電不明則否

天文會通雷電六星主天之雷電君之號令星明大有芒角則冬多雷電星動搖則其國有急令

按雷電六星其最南一星亦在黃道北十四度弱月五星皆不及犯

### 彗孛客星見雷電

天文會通彗星掃雷電其國政事廢星孛於雷電其野有新令一曰國有改君客星干犯雷電臣下擅政亦曰政事改

流星出入電雷

天文會通流星犯雷電其國有政令出自大臣流星抵觸雷電其國有犯法大臣

雲氣出入雷電

天文會通黃雲氣犯雷電其國有德令天下和平黑雲氣犯之其野有急政白雲氣犯之人君法令不行

離宮

宋史天文志離宮六星兩兩相對為一座夾附室宿上星天子之別宮也主隱藏止息之所動搖為土功

觀象玩占室上六星兩兩而居曰離宮后妃六宮之位

天文會通離宮六星明潤宮闕無虞

按離宮六星其最南一星亦在黃道北二十五度弱月五星皆不及犯

彗孛客星見離宮

宋史天文志彗星犯離宮有修除之事

天文會通彗星如帚掃離宮主後宮有急兵彗星拂離宮其國有更王易政星孛離宮犯室宿中其國有女喪又曰有兵喪客星干犯離宮主刺客入禁庭亦曰大人惡之一曰外奸通內陰謀客星抵離宮大如五升器及五十日不下者禁庭有兵起

流星出入離宮

天文會通流星如蛇行委曲入離宮主後宮有奸謀

雲氣出入離宮

天文會通黑雲氣入離宮天子無出宮防外奸青氣入之主後宮陰殺無辜

壘壁陣

史記天官書軍西為壘或曰鉞正義壘壁陣十二星橫列在營室南天子之垣壘

宋史天文志壘壁陣十二星在羽林北羽林之垣壘主天軍營星明國安移動兵起不見兵盡出將死



觀象玩占壘壁陣十有二星在室壁南橫列其中四星其  
兩端各四星四方羽林軍壘也動搖則軍不安移徙則將  
死

天文會通壘壁陣一十二星主軍伍營陣星明潤則軍營  
無虞暗則兵起

月五星犯壘壁陣

史記天官書五星入壘壁陣皆兵起

宋史天文志五星入犯皆兵起太白辰星尤甚

天文會通火星犯壘壁陣軍營有火災土星犯入之軍

營有土役金星逆犯之其國兵起水星逆犯之其野

三軍有水厄

按壘壁陣十二星第一星二星在黃道南五度弱第十  
一星十二星在黃道南六度弱月與火金二星及犯之  
第三星四星在黃道南二度半第五星在黃道南二度  
強第六星在黃道南一度強第七星在黃道南半度弱  
第八星在黃道南一度月五星皆及犯之第九星在黃  
道南三度強第十星在黃道南三度弱月與火土金水  
四星及犯之

壘壁客星見壘壁陣

宋史天文志客星入兵大起將吏憂

天文會通彗星犯壘壁陣其國有死將不然大將被黜又  
曰破軍殺將 彗星干壘陣壁陣其國有兵殺主將以叛一  
天子憂兵 客星犯壘壁陣有暴客入軍營一曰有刺客  
入營以圖主將兩軍相當有客星犯壘壁陣其先舉者勝  
後舉者敗負一曰先至者勝後至者敗

### 流星出入壘壁陣

天文會通流星犯壘壁陣主外奸入軍營以害大將色白者  
謀成色黃者謀不成餘色皆凶流星抵觸壘壁陣主大將潰  
走若流星有聲如雷犯之不有破軍必有屠城

雲氣出入壘壁陣

天文會通黑雲氣入壘壁陣其國有兵憂黑氣如獸狀三軍有逆匿謀青白氣如波狀其軍容有驚恐赤氣入之軍營有火災黃氣入之其下有大將受賞

騰蛇

宋史天文志騰蛇二十二星在室宿主水蟲居河漢明而微

國安移向南則旱向北大水

觀象玩占騰蛇二十二星若盤蛇之狀一曰天蛇蛇之北與龜鼈交水蟲之長也主水族水中之蟲皆屬焉星明則水族茂魚鹽賤不明反是石氏曰天蛇徙而南則兵起徙而北則大水一曰天蛇明大動搖則水蟲為孽天下有水

天文會通。騰蛇二十二星。主水蟲之事。亦主水旱。星喜微明。不喜大。微明為常明。大為變星。年半隱半顯。主雨。陽不日。幸。

按騰蛇二十二星。其最南一星。亦在黃道北四十一度。月五星皆不及犯。

彗孛客星見騰蛇

宋史天文志。彗孛犯之。水道不通。客星犯水。物不成。

觀象玩占。客星守騰蛇。雨水為災。石氏曰。水蟲為敗。

天文會通。彗如足線。光芒若火炬。長可數丈。犯騰蛇。其國

大水。毀城邑。一曰。百姓失業。人君徙都。

星孛於螣蛇主大水入國都民流徙天子徙都

彗孛干犯螣蛇旱蝗水火相仍人民捐室客星入螣蛇  
其國水溺都市井邑行舟

流星出入螣蛇

觀象玩占流星出天蛇水旱俱作地震有兵喪入之雨水  
為害水物不成魚鹽貴

天文會通流星抵觸螣蛇中主水溺木稼亦曰有水寇流  
星入螣蛇主水出螣蛇主旱流星入抵螣蛇有聲如雷主

連陰

雲氣出入螣蛇

觀象玩占黑氣出入騰蛇天下大水

天文會通黑雲氣入騰蛇其國大水傷赤白雲氣入之其  
野有水寇青赤氣入之水旱不常

### 土公吏

宋史天文志土功吏二星在壁宿南一曰在危東北主營  
造宮室起土之官動搖則版築事起

觀象玩占土公吏二星在營室西南主設備司過失其星  
明動則工役大起

天文會通土公吏二星明潤則百姓無犯非禮暗則民多  
過失

按土工吏二星其南一星亦在黃道北十七度強月五星皆不反犯

彗孛客星見土公吏

天文會通彗掃土公吏主野將擅權聚民為盜

星孛於土公吏其國民多犯法又曰民亂 彗孛客星衝犯土公吏土木之役起百工之官災

流星出入土公吏

天文會通流星委曲入土公吏百姓流

雲氣出入土公吏

天文會通赤雲氣入土公吏國有急令民失其業



白氣出土功<sub>不</sub>吏下民為盜蒼白氣如劍戟狀入土公吏其  
野民不思法

### 北落師門

史記天官書旁有一大星為北落

按旁承上文北落若微謂羽林軍旁

亡軍星動角益希及五星犯北落入軍軍起火金水尤甚  
火軍憂水患本土軍吉

晉書天文志北落師門一星在羽林西南北者宿在北方  
也落天之藩落也師眾也師門猶軍門也長安城北門曰  
北落門以象北主非常以候兵

宋史天文志北落師門一星明大安徽小芒角兵起

觀象玩占北落師門一星在羽林西南天軍之門也明  
大則將武兵藉天下安細微則兵羸將弱武備不修芒角  
動搖則兵起

天文會通北落師門一星主天軍門以候兵其星明大將  
軍安靜暗而動搖將弱兵亂

按北師門一星在黃道南二十一度月五星皆不及  
犯史記天官書謂五星犯北落寔不能及也

彗客星見北落師門

宋史天文志客星犯之光芒相反為兵大將死守之邊人  
入塞

觀象玩占彗出北落兵起大戰殺將一曰四夷作亂人主  
自將客星犯守北落兵大起出之邊夷兵起入塞閼吏憂  
黃白星入天子有喜黃星出天子使出軍中有喜赤星出  
兵出

天文會通彗星干犯北落師門邊兵叛一曰虜寇犯邊陸  
星孛於北落師門邊陸失土客星抵北落師門中外  
夷寇塞客星大如杯光色純白北落師門其國邊有兵  
變一曰破軍殺將

流星出入北落師門

宋史天文志流星出而色黃天子使出入則天子喜出而

色赤或犯之皆為兵起

觀象玩占流星抵北落有兵或夷入色<sup>塞</sup>大將出鉄鉞用

雲氣出入北落師門

宋史天文志雲氣入蒼白為疾疫赤為兵黃白喜黑雲氣入邊將死

觀象玩占赤氣出兵出之外兵入黃氣入中使至軍有喜

天文會通黑雲氣入北落師門其國有邊釁蒼白雲氣入之邊兵有叛謀赤氣入之其野邊將死不然被黜青雲氣入之邊塞饑黃白氣入之天子有喜中使出

# 八魁

宋史天文志八魁九星在北落東南主捕張禽獸之官也  
天文會通八魁九星主設機陷阱張羅亦以候兵之出入  
星明大有芒角則兵起微明則去星暗動搖禽獸多死

按八魁左謂九星今只六星其最北一星亦在黃道南  
十度強月五星皆不及犯

## 彗孛客星見八魁

宋史天文志彗孛入多盜賊兵起

天文會通彗孛犯八魁其國人君廢政事客星犯八魁  
其國有兵謀亂

流星出入八魁

天文會通流星抵觸八魁其野張禽獸之官失職

雲氣出入八魁

天文會通黑雲氣入之魁北八其國有暴兵蒼白氣如劍戟加八魁其國斧鉞用青赤氣入之其國有大臣犯法者黃氣入之張禽獸者受賞

天網

宋史天文志天網一星在北落西南一曰在危南主武帳官舍天子游獵所會

按天網一星在黃道南二十三度半月五星皆不及犯

單于軍衛士之象主翼王巫咸曰羽林為天軍水宮也主  
守衛天子之宮故在室壁之南部詩曰羽林動搖則兵起  
不出六十日車騎發

天文會通羽林軍星明潤國安星稀動則兵出

### 月五星犯羽林軍

史記天官書金火水入羽<sup>林</sup>軍軍起也

晉書天文志五星有在天軍中者皆為兵起熒惑太白辰  
星尤甚太白晝見在羽林占曰有強臣有兵喪中軍兵  
起

隋書天文志熒惑守羽林占曰衛兵反

唐書天文志熒惑入羽林占曰軍憂

宋史天文志月犯羽林軍兵起

歲星入諸侯悉發兵臣

下謀敗叛必敗伏誅

太白入兵起

填星入大水

熒惑

太白經過天子以兵自守熒惑入而芒亦興兵者亡

觀象玩占五星入羽林兵起若逆行或變色成勾已天下

大兵閼梁阻塞一曰逆行入羽林有叛臣木順入羽林

興師吉以始入日言國元冥占曰木守羽林有破軍殺將

一曰興兵者吉

熒惑入羽林若守之有叛臣中兵為亂

一曰若之

守

二十日以上臣謀逆有破軍殺將

填星入羽

林有喪大水

太白入羽林中天子為軍自守守之大將



彗孛客星見天綱

宋史天文志彗入為兵起亦云義兵

天文會通彗孛干犯天綱其國有荒政 星孛於天綱其

野人君好武以游獵為務 客星干犯天綱其國有弊政

流星出入天綱

天文會通流星抵觸天綱其野有逐獸之君主尚武之君

雲氣出入天綱

天文會通青雲氣如波入天綱主天子野宿赤雲氣入天

綱主人君逐獸有虞

羽林軍

史記天官書其南有衆星曰羽林天軍按其南承上文正

正義羽林四十五星三三而聚散在壘壁南天軍也亦天

宿衛主革共不見天下亂

晉書天文志羽林四十五星在營室南一曰天軍主軍騎

又主翼王也

宋史天文志羽林軍四十五星三三而聚散在壘壁之南

一曰在營室之南東西布列北第一行主天軍車騎翼衛

之象星衆則國安稀則兵動羽林中無星則兵盡出天下

亂

觀象玩占羽林軍四十五星一曰材官一曰天南庫一曰

出臣謀君有喪逆行成勾已有亡國 晨星入羽林 巫咸  
曰天下兵起四夷入國人主憂又曰國以水為憂

天文會通金星經天或晝見入羽林其國有兵喪一曰中  
軍兵起 五星入羽林諸侯兵起又曰有叛臣又曰開梁  
塞

按羽林軍四十五星第一星在黃道南四度半強第二  
星十五星在黃道南六度半第十六星三十七星在黃  
道南五度弱第十四星在黃道南五度半強第二十五  
星在黃道南六度弱月與火金二星及犯之第三星在  
黃道南九度半第十三星在黃道南十度第十四星在

黃道南八度第二十六星三十六星在黃道南八度強第

二十七星在黃道南八度半強惟金星及犯之第十七星在黃道南八度半強第二十二星四十三星在黃道

南三度弱月與火土金水四星及犯之第十八星在黃

道南二度半強第十九星在黃道南一度半第二十星

在黃道南一度強第二十一星四十一星四十一星四十

二星在黃道南二度弱月五星皆及犯之第二十三星

三十八星在黃道南四度強第三十九星在黃道南四

度弱月與火金水三星及犯之餘十九星在黃道南十

度外月五星皆不及犯

彗孛客星見羽林軍

宋史天文志客星入羽林軍色黃白為善赤為臣叛。觀象  
玩占彗孛出羽林兵起大人被弔若守之三十日國破

客星守羽林兵大起郝萌曰將吏憂出羽林巫咸曰兵大  
起有亡國守之久將有謀王者憂一曰客星出羽林色黃  
白軍有憂色赤臣叛主若以戊己日見中兵大起

天文會通彗星抵羽林禁兵有匿謀一曰防內亂 星孛

羽林其國有兵變一曰有內亂變 客星犯羽林禁兵通  
外奸客星色黃白入羽林天子有憂色赤臣叛主

流星出入羽林軍

觀象玩占。流星出羽林。則兵起。隨星所之。

天文會通。流星抵觸羽林。主外寇連禁。兵為亂。流星出入  
于犯羽林。皆主兵起。士卒散亡。

### 雲氣出入羽林軍

宋史天文志。雲氣蒼白入南。后有彗入北。諸侯憂。黑太子  
諸侯忘出。則禍除。黃白吉。

觀象玩占。赤氣出羽林。兵隨之。赤氣入。兵起。  
大戰。

天文會通。黃雲氣入羽林。禁兵強盛。亦曰天子有兵威。以  
鎮四夷。黑雲氣入羽林。防內亂。蒼白氣入羽林。外兵入。赤

氣入主兵變

鉄鉞

宋史天文志鉄鉞三星在北落師門東箕列之具也主斬  
芻藁以飼牛馬明則牛馬肥腴動搖而暗或不見牛馬死  
隋志通志皆在八魁西北主行誅拒難斬伐奸謀明太用  
兵將憂暗則不用移動兵起

觀象玩占鉄鉞三星亦曰鉄鎖在羽林西主斬殺枉詐星  
不欲明動皆為鉄鉞用

天文會通鉄鉞三星主天子以錫諸侯之物將以專征也  
亦主殺伐之事星不欲明大而喜微明不貴出怒角而尚

黃潤微明則吉明大則凶出怒角則諸侯擅權星黃潤則列國進秩

按鈇鉞三星其最北一星亦在黃道南十五度弱月五星皆不及犯

彗孛客星見鈇鉞

宋史天文志客彗犯鈇鉞用又占客犯外兵被擒士卒死傷外國降色青憂赤兵黃白吉

觀象玩占彗孛出鈇鉞臣謀反客星入鈇鉞黃帝占曰士卒亂外兵擒殺其將一曰鈇鉞用以入日占國犯守之皆為軍將有憂



天文會通彗星干犯鈇鉞其國有兵變又曰兵潰將死  
星孛於鈇鉞其國有亂臣以竊主柄一曰亂臣賊子相戕  
之象 客星犯鈇鉞其國有大臣以陰謀犯上不成

流星出入鈇鉞

天文會通流星干犯鈇鉞其國有急兵

雲氣出入鈇鉞

天文會通黑氣入鈇鉞其野有自立諸侯白雲氣出鈇鉞  
其國有強臣黃雲氣入鈇鉞天子以鈇鉞賜諸侯一曰上  
下之分嚴尊卑之禮得赤氣入之列國相侵伐青氣入之

國饑